



KABINET DIREKTORA

Broj: 01- 02-2332/07

Datum: 19.06.2007. godine

U cilju pravilnog i jednoobraznog postupanja organa Uprave za indirektno oporezivanje BiH prilikom korištenja informacionog sistema za upravljanje tarifnim kvotama - "*Quota BiH*", daje se *sljedeće*

O B J A Š N J E N J E
ZA KORIŠTENJE INFORMACIONOG SISTEMA "*Quota BiH*"

I - NAMJENA INFORMACIONOG SISTEMA "*Quota BiH*"

1. Informacioni sistem "*Quota BiH*" predstavlja sistem za statističko vođenje evidencije i centralne baze podataka u elektronskoj formi za carinski postupak - stavljanje robe u slobodan promet sa krajnjom upotrebom-tarifne kvote, koji je utvrđen u okviru važećih propisa u Bosni i Hercegovini.
2. Postupak povlačenja tarifnih kvota vrši se shodno odredbama člana 208. i 209. Odluke o provedbenim propisima Zakona o carinskoj politici BiH ("*Službeni glasnik BiH*", broj 63a/04 i 60/06)

II - PRISTUP I OVLAŠTENJA U INFORMACIONOM SISTEMU "*Quota BiH*"

3. Informacionom sistemu "*Quota BiH*" mogu pristupiti samo ovlaštene grupe korisnika - službenika i zaposlenika UIO (koje su definirane u ovom objašnjenju), kojima je, na službeni zahtjev, od strane Sektora za informacione tehnologije odobreno korištenje ovog sistema. Ovlašteni korisnici imaju mrežnu komunikaciju sa Sektorom za informacione tehnologije u Središnjem uredu Uprave za indirektno oporezivanje. Centralni server sa podacima iz sistema "*Quota BiH*" fizički se nalazi u Središnjem uredu UIO. Ažuriranje podataka u sistemu će se vršiti zaključno sa krajem svakog dana osim nedjelje u 24:00 časova.

3.1. Središnji ured UIO Banja Luka - Pristup informacionom sistemu "*Quota BiH*" od strane ovlaštenih službenika i zaposlenika UIO vrši se na sljedeći način: (A) Sektor za informacione tehnologije- tehnički i korisnički pristup najvišeg nivoa radi održavanja i razvijanja sistema, kao i korisničke podrške - svi moduli "*Quota BiH*" i (B) Sektor za carine, Odsjek za carinsku tarifu i vrijednost - pristup statističkim izvještajima, unos/izmjena podataka iz propisanih, važećih tarifnih kontigenata (Tarifni aneks iz Carinske tarife BiH), kao i unos/izmjena podataka iz odobrenja za dodjelu tarifnih kvota, čiji podaci su izmijenjeni na osnovu odluka koje su postale konačne/pravosnažne.

3.2. Carinska ispostava - U nadležnoj (prijavnoj) carinskoj ispostavi, u kojoj se provodi postupak stavljanja robe u slobodan promet u krajnju upotrebu uz korištenje tarifnih kvota, sve aktivnosti u vezi pristupa informacionom sistemu "*Quota BiH*" (A. - unos, B. - pregled, C. - izmjena i D. - odobravanje podataka), kao i određivanje službenika i zaposlenika za izvršavanje pojedinačnih aktivnosti u sistemu, trebaju biti utvrđene od strane šefa carinske ispostave.

3.2.(a). Šef carinske ispostave - Ovlašten je za najviši nivo pristupa informacionom sistemu "*Quota BiH*" u okviru nadležne carinske ispostave. Omogućeno mu je da vrši sljedeće aktivnosti: (A) unos, (B) pregled, (C) izmjenu i (D) odobravanje svih podataka koji su obrađeni u toku jednog radnog dana. **Izvršavanje aktivnosti koja je navedena pod (D) obavlja se, isključivo, pod korisničkim nalogom koji je dodijeljen šefu carinske ispostave.** Sve akcije u informacionom sistemu koje su provedene na lokaciji carinske ispostave trebaju biti odobrene od strane šefa carinske ispostave na kraju svakog dana u kome su obrađivani podaci u vezi tarifnih kvota.

3.2.(b). Ovlašteni službenici i zaposlenici koje odredi šef carinske ispostave - Ovlašteni su za obavljanje sljedećih aktivnosti u informacionom sistemu "*Quota BiH*": (A) unos i (B) pregled podataka.

3.2.(c). Ovlašteni službenici i zaposlenici koje odredi šef carinske ispostave - Ovlašteni su za obavljanje sljedećih aktivnosti u informacionom sistemu "*Quota BiH*": (A) unos, (B) pregled podataka i (C) izmjenu podataka.

III - AKCIJE U INFORMACIONOM SISTEMU "*Quota BiH*"

4. Procedura izvršavanja potrebnih aktivnosti ovlaštenih službenika i zaposlenika, po principu "korak po korak"

Korak 1. – (podnosilac zahtjeva)

Zahtjev za izdavanje odobrenja za postupak krajnje upotrebe podnosilac zahtjeva podnosi Grupi za procedure nadležnog Regionalnog centra, na obrascu Priloga 43. Odluke o provedbenim propisima Zakona o carinskoj politici BiH, na način propisan u članu 4. Uputstva o postupku stavljanja robe u slobodan promet na račun njene krajnje upotrebe („Službeni glasnik BiH“, broj 74/06). Izuzetak je podnošenje zahtjeva putem carinske prijave, uz uslove propisane u članu 5. navedenog Uputstva.

Korak 2. - (nadležna carinska ispostava)

Ovlašteni službenik ili zaposlenik u nadležnoj (prijavnoj) carinskoj ispostavi vrši prijem i pregled pojedinačnog zahtjeva za stavljanje robe u krajnju upotrebu uz korištenje tarifne kvote (JCI IM4) **i u informacionom sistemu „Quota BiH“ provjerava stanje raspoložive količine tarifne kvote** za vrstu (tarifna oznaka i opis) robe za koju se podnosi zahtjev. Isto tako, isti ili drugi ovlašteni službenik ili zaposlenik pregleda i ostali sadržaj tog zahtjeva, tj. prateću dokumentaciju i vrši fizički pregled robe koja je predmet zahtjeva. Ako bilo koji od uvjeta za prijem zahtjeva nije ispunjen (npr., tražena tarifna kvota je iscrpljena-zatvorena; nedostatak dokumentacije, nije priloženo generalno odobrenje, fizičkim pregledom robe je utvrđeno da za identificiranu robu nisu propisane tarifne kvote itd.), ovlašteni službenik ili zaposlenik ima na raspolaganju koristiti sljedeće: (1) tražiti dopunu predmetnog zahtjeva, (2) donijeti rješenje o odbijanju zahtjeva u skraćenom postupku, ili (3) prihvatiti prilagođeni zahtjev kao carinsku prijavu za postupak redovnog carinjenja (bez carinske povlastice). U slučaju navedenom pod (3), ovlašteni službenik ili zaposlenik u informacionom sistemu ASYCUDA vrši obradu zahtjeva bez upisivanja šifre "1" u polje "39" predmetne carinske isprave, tj. sistem će izvršiti obračun dažbina u postupku redovnog carinjenja. Ako su ispunjeni svi uvjeti za prihvatanje predmetne carinske prijave – stavljanje robe u slobodan promet na račun njene krajnje upotrebe (tarifne kvote), isti ili drugi ovlašteni službenik ili zaposlenik zaprima i obrađuje podneseni zahtjev na način opisan u koraku 3.

Korak 3. - (obrada podataka u informacionom sistemu ASYCUDA)

Isti ili drugi ovlašteni službenik ili zaposlenik, nakon prihvatanja predmetne carinske prijave (JCI IM4) za stavljanje robe u slobodan promet uz korištenje tarifnih kvota, unosi i obrađuje podatke u

informacionom sistemu ASYCUDA, gdje je uslov da u polju "39" predmetne carinske isprave treba biti upisana šifra „1“.

Korak 4.- (obrada podataka u informacionom sistemu "Quota BiH")

Nakon toga, odmah, isti ili drugi ovlašteni **službenik ili zaposlenik pokreće aplikaciju "Quota BiH" i u istoj otvara odobreni korisnički nalog**, te, u ovisnosti od nivoa vlastitih prava u sistemu, vrši unos i obradu podataka koji su potrebni za nesmetano funkcioniranje svih segmenata ovog informacionog sistema. **Podaci koji se unose, tj. obrađuju u sistemu "Quota BiH" trebaju, u potpunosti, odgovarati podacima iz prihvaćene carinske prijave.** Detaljnije tehničko uputstvo u vezi unosa i obrade podataka u informacionom sistemu „Quota BiH“ navedeno je u prilogu ovog objašnjenja i čini njegov integralni dio.

IV - UPRAVLJANJE TARIFNIM KVOTAMA - OSNOVNI PRINCIPI AUTOMATSKOG FUNKCIONIRANJA SISTEMA

5. Na osnovu odredbi člana 208. i 209. Odluke o provedbenim propisima Zakona o carinskoj politici BiH, za obradu podataka u informacionom sistemu „Quota BiH“ kao referenca se uzima **datum (dan, mjesec, godina) prihvatanja carinske prijave**, a ne vrijeme prihvatanja iste (sat, minut, sekunda). Tako npr., ako u toku jednog radnog dana na različitim lokacijama imamo 5 zahtjeva različitih podnosioca za istu tarifnu oznaku iz odobrenog tarifnog kontigenta, obrada i preraspodjela će se vršiti na kraju tog dana, osim nedjelje (24:00 časova) prema bilansu stanja za tu tarifnu oznaku. Ako bilansa stanja odgovara zahtijevanim količinama iz svih 5 zahtjeva, onda se raspodjela kontigenta (odobravanje) vrši shodno obimu zahtijevane količine.

PRIMJER BR.1.:

- tarifna oznaka 0203 30 90 00
 - datum obrade zahtjeva: 15.10.2006.
 - raspoloživa količina kvote: 100.000 kg
 - zahtijevane količine:

podnosilac br.1 –	15.000 kg
podnosilac br.2 –	20.000 kg
podnosilac br.3 -	10.000 kg
podnosilac br.4 –	5.000 kg
podnosilac br.5 –	25.000 kg
-
- ukupno: 75.000 kg

- odobrene količine: sistem vrši proračun na sljedeći način:
 Odobrena količina = raspoloživa količina \geq zahtjevana ukupna količina =
 = 100.000 kg $>$ 75.000 kg.

Odobrava se ukupno tražena količina = 75.000 kg.

Ostatak tar.kvote nakon obrade podataka: 25.000 kg.

U drugom slučaju, ako bilansa stanja ne odgovara zahtijevanim količinama iz svih carinskih prijave koje su prihvaćene za ovu vrstu postupka u toku jednog dana (od 00:00 – 24:00 časova), onda se raspodjela kontigenta u sistemu (odobravanje) vrši proporcionalno svim zahtijevanim količinama za taj tarifni kontigent (tar.oznaku) za dan u kojem su prihvaćene te carinske prijave.

PRIMJER BR.2.:

- tarifna oznaka 0203 30 90 00
 - datum obrade zahtjeva: 16.10.2006.
 - raspoloživa količina kvote: 25.000 kg
 - zahtijevane količine:

podnosilac br.1 –	15.000 kg
podnosilac br.2 –	20.000 kg
podnosilac br.3 -	10.000 kg
-
- ukupno: 45.000 kg

- odobrene količine: sistem vrši proračun na sljedeći način:
 Odobrena količina = raspoloživa količina \geq zahtjevana ukupna količina =
 = 25.000 kg < 45.000 kg.

Ne odobrava se ukupno tražena količina od 45.000 kg.

Zahtjevana količina podnosioca br.1. = 15.000 kg : 45.000 kg = 33,33...% (32 decimale);
 Zahtjevana količina podnosioca br.2. = 20.000 kg : 45.000 kg = 44,44... % (32 decimale);
 Zahtjevana količina podnosioca br.3. = 10.000 kg : 45.000 kg = 22,22....% (32 decimale).

Prema procentualnom učešću zahtijevanih količina podnosioca, sistem vrši preraspodjelu na sljedeći način:

Podnosilac br. 1. = 25.000 kg x 33,33% = 8.333,33... kg (27 decimalnih mjesta);
 Podnosilac br. 2. = 25.000 kg x 44,44% = 11.111,11... kg (27 decimalnih mjesta);
 Podnosilac br.3. = 25.000 kg x 22,22% = 5.555,55... kg (27 decimalnih mjesta).

Primjeri br.1 i br.2. predstavljaju isključivo ilustrativne uproštene forme obrazaca proračuna.

Primjer br.2. predstavlja granični slučaj koji se može pojaviti kada imamo disproporciju između stanja bilanse raspoloživog kontigenta i zahtijevane količine kvote više podnosioca zahtjeva.

To znači da će se model dijeljenja (proporcija) aktivirati kada zahtijevane količine tarifne kvote pređu prag odobrenog tarifnog kontigenta (pređu prag od 100%), i to u slučaju kada imamo više podnosioca zahtjeva.

6. Evidencije i izvještaji iz aplikacije "*Quota BiH*" služe za internu upotrebu od strane nadležnih organizacionih jedinica Uprave za indirektno oporezivanje.
7. U slučajevima eventualnih tehničkih smetnji i nemogućnosti pristupa serveru "*Quota BiH*" sa lokacija nadležnih carinskih ispostava, potrebno je da se po otklanjanju istih izvrši obrada podataka u aplikaciji "*Quota BiH*" na osnovu evidencije štampanih primjeraka obrađenih carinskih prijava za stavljanje robe u krajnju upotrebu i eventualne pomoćne evidencije.

V - TEHNIČKO UPUTSTVO ZA KORIŠTENJE SOFTVERSKOG SISTEMA „*Quota BiH*“

8. Tehničko uputstvo za korištenje softverskog sistema "*Quota BiH*" dostavlja se u prilogu ovog objašnjenja i čini njegov sastavni dio.

VI – PRIMJENA OBJAŠNJENJA

9. Ovo objašnjenje će se primjenjivati od 01. septembra 2007.godine.

Prilog:

- Tehničko uputstvo za korištenje softverskog sistema „*Quota BiH*“

Dostaviti:

- Svim carinskim ispostavama
putem regionalnih centara - Odsjek za carine
- 01/1
- 01/2
- 01/3 – (web stranica UIO)
- 03
- 05
- 06
- a/a

DIREKTOR

KEMAL ČAUŠEVIĆ